

Najib: 1Malaysia lebih popular drpd Milo, KFC
Malaysiakini.com
April 22, 2010

Datuk Seri Najib Razak mahu penduduk di Hulu Selangor menolak terus calon Parti Keadilan Rakyat (PKR) Datuk Zaid Ibrahim dan memilih Barisan Nasional (BN) sebagai wakil rakyat mereka dalam pilihan raya kecil bagi kerusi Parlimen kawasan itu Ahad ini.

"Kita reject dia (Zaid) sajalah, kita pilih BN biar kita kekalkan dia sebagai barang reject," kata Perdana Menteri ketika berucap di bilik gerakan BN Hulu Bernam malam semalam.

"BN sudah mengenali Zaid luar dan dalam tentang siapa sebenarnya bekas menteri di Jabatan Perdana Menteri itu.

"Kita dah pernah satu team dalam kerajaan... dah kenal luar dan dalam jadi tak payahlah nak cakap, daripada Kabinet dia masuk pihak pembangkang sebab itu kita reject dia sajalah," katanya.

Najib, yang juga Pengerusi Barisan Nasional, berkata gagasan 1Malaysia mendapat sambutan yang menggalakkan daripada rakyat sehingga mengatasi jenama barangan popular yang lain.

"Gagasan 1Malaysia lebih popular daripada jenama seperti Milo, Kentucky Fried Chicken (KFC)... tak boleh lawan lencana dan logo 1Malaysia sebab ada orang suka makan ayam, ada yang tak suka tapi 1Malaysia semua orang suka," kata beliau.

- Bernama